



UNIVERSITÄTS-
BIBLIOTHEK
PADERBORN

De Iustitia Et Iure ceterisq[ue] Virtutibus Cardinalibus

Lessius, Leonardus

Antverpiæ, 1632

12 Vtrum iniuriam sibi ab aliquo factam referens amico, peccet.

[urn:nbn:de:hbz:466:1-72459](#)

doceat DD. & tamen hic solum apud unum fama amittitur : ergo vel vni aperire crimen , est peccatum mortale.

Temeraria iudicium. Respondeo, negando consequentiam. Nam temerarium iudicium non est peccatum mortale praeceps propter damnum , quod infert ; sed propter grauem iniuriam , dum ex leibus indicis ei graue crimen impingit , & in corde suo contemnit. hoc enim perinde est , ac si falsum imponeret ; quod est peccatum morale ; etiam si apud unum dumtaxat fieret. Secus est quando aperitur crimen verum . multo enim maior iniuria est falsum imponere , quam verum aperire.

D V B I T A T I O X I I .

Vtrum iniuriam sibi ab aliquo factam referens amico , peccet.

72 **R**espondeo, Si faciat intentione detrahendi , vt le hoc modo vindicet , sine dubio est peccatum ; & fieri potest , vt sit mortale. Si autem vt consolacionem accipiat ab amico , sive ut querela exposta dolor mitigetur ; non est peccatum , faltem mortiferum ; quia iure suo vti videtur. Ita Petrus Nauarra lib. 2. cap. 4. num. 345. Nimis enim graue est , & praeter humanam contutudinem , vt quis cogatur iniurias acceptas solum in silentio concouere , nec possit eas cum amico communicare ; nam hac ratione magnam partem , earum veluti pondere quodam leuat. Vnde si inde aliqua infamia auctori iniuria proueniat , non ipsi , sed auctori imputandum. adhibenda tamen moderatio , ne pluribus dicatur , quam ad consilium & solatium sit necesse ; nec nominanda persona , nisi ad consilium sit opus , vel ad necessariam consolationem valde expediens.

D V B I T A T I O X I I I .

Vtrum crimen proximi , quod publicum est in aliqua ciuitate , liceat alibi patescere , vbi ignoratur.

73 **N**orandum est , in proposito crimen tripliciter dici publicum ; Primo , si sit notorium iure. Secundo , si facto. Tertio , si famosum.

Notorium iuriis. Notorium Iure dicitur , de quo constat per iuridicam sententiam ; vel per confessionem Rei in iudicio ; vel per legitimam testium depositionem.

Notorium facti. Notorium factum dicitur , quod in praesentia multorum est perpetratum ; vt , in aliquo conuentu , vel in loco publico , v.g. in foro , vel celebri platea , eo tempore quo multis innotescere poruit : vel quod maiori parti vicinia paucim ob oculos vertatur , vt si quis in publica platea pugnet , vel iuria cum clamore misceat : si quis publice concubinam habeat & domi filios alii.

Famosum. Famosum dicitur , cuius fama ex sufficientibus indicis orta , ad multos peruenit , ita vt maior pars ciuitatis , vel pagi , vel parociae , vel vicinie illud norit. Addit. Nauarr. cap. 25. Enchir. nu. 73. etiam dici notorium , quod euidenter notum est maiori parti alicuius congregationis seu collegij , vbi non sunt pauciores quam decem ; itaque li 6. aut 7. in congregacione , vbi 10. vel 11. sint , factum sciant;

dicitur esse notorium , quod verum est respectu illius congregationis , non autem absolute. quidquid enim notum est maiori parti alicuius collegij vel congregationis , est notorium in illa congregatione , non autem absolute respectu totius urbis vel parociae. Vnde etiam talia non possunt absolute dici publica : sed illa dumtaxat absolute publica dicuntur , quae eo loco , & cum illis circumstantiis sunt gesta vel propalata , vt cuius innotescere poruerint : v.g. in foro , vel publica platea ; quia non curauit auctor , quis videret vel non videret. His positis ,

Dico Primo , Reuelare alicuius crimen , quod aliquo istorum trium modorum sit publicum , eo loco vbi ignoratur , non est contra iustitiam. Docet hoc Caietan. opusc. 31. Resp. 9. & Nauar. c. 18. num. 26. Ratio est ; quia quando hoc modo crimen est publicum , auctor amissius ad famam : nam ipsa facti euidentia , & insti iudicij ratio ei repugnat , ne possit queri sibi fieri iniuriam narratione factorum , quae iam in propatulo sunt posita. & quidem si per sententiam sit publicum , non potest esse dubitatio. Nam vna ex penis , qua iudices afficiunt reos , est , quod eo loco & tempore iudicia exerceant , & poenas infligant , quo eorum crimina in plurimorum notitiam venire queant ; ergo non est contra iustitiam , ea quoquis loco diuulgare. Si vero sit publicum euidentia facti vel *Qui in publico pecat , videatur edere iure fame.*

indicatorum ; iam sponte videtur cessisse iure suo , quod ad famam habebat : nam hoc ipso , quo non est veritus in publico crimen admittere , vel eius

indicia manifesta dare ; non videtur curasse quis sciat , vel non sciat : eo enim loco & modo fecit , vt qui quis videre posset. quod si reipla multi non viderint , id per accidens est ; quia accidit , ibi tunc non adesse. Secus de eo , qui in aliqua domo coram aliquibus peccat . non enim hic censetur ab iure suam famam , nisi respectu domesticorum , qui ad talem locum conuenire solent. Idem confirmatur ex consuetudine totius orbis . nusquam enim homines putant se iniuriam facere , si publica crimina alibi referant , vel litteris prescribant , historiis commendent , vel historiis commendata legant vel referant.

Dices , Is qui hinc amissit famam , non ideo alibi est famis : ergo cum ibi adhuc retineat bonum nomen , non potest eo spoliari.

Resp. Petrus Nauarra & alij quidam , putant cum retinere ius ad famam in locis remotis ; vnde si quis crimen , quod hinc publicum est , ibi referat , peccaturum contra iustitiam. Sed contrarium videtur verius : vnde dicendum est , retinere quidem alii locis famam re ipsa & facto , non tamen iure : postquam enim crimen publicum factum est , amittit ius famae , ita vt nemo ex iustitia teneatur amplius priorem existimationem de illo retinere , vt ex Caietano & Nauarro supra colligitur .

Sed quid si per iniuriam factum sit publicum ?

Respondeo , Non referr : (etsi quidam aliter sentiant) nam hoc ipso , quo factum est vere publico per iniuriam , ius amissit vt homines aliter de se sentiant ; vt factum sit .

Si confessus fuit crimina sua occulta , per tormeta .

Dices , Per iniuriam nemo amittit ius : ergo .

Respondeo , Non amittit ius praeceps per iniuriam , sed per id quod ex iniuria sequitur , quod est esse publicum , & in propatulo. Publicitas enim facti tribuit licentiam loquendi , ita vt non censetur amplius iniuria , sive sit publicum per se , sive